



3496

4190  
PS220

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Physical Planning Construction and  
Environmental Protection

Broj: 05/01-05-41335-80/19 RA  
Sarajevo, 25.12.2019. godine

**SKUPŠTINA KANTONA SARAJEVO**  
**- o v d j e -**  
n/r Elmedin Konaković, predsjedavajući

**PREDMET:** Odgovor na zastupničku inicijativu – zastupnica Neira Dizdarević, dostavlja se

Zastupnica u Skupštini Kantona Sarajevo Neira Dizdarević, na 15. Radnoj sjednici Skupštine Kantona Sarajevo, održanoj dana 19.11.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenula je inicijativu, kako slijedi:

*"Podnosim inicijativu da se uredi pravni i prostorno planski okvir kako bi svaki novi javni objekat (novogradnja) na području Kantona Sarajevo bez obzira da li će njegov vlasnik biti Bosna i Hercegovina, Federacija BIH ili Kanton Sarajevo obavezno posjedovao alternativni obnovljivi izvor električne energije u vidu solarnih panela ili drugih tehnologija korištenja solarne energije sve u cilju podizanja energijske efikasnosti, smanjenja aerozagađenja i troškova električne energije. Trend korištenja obnovljivih izvora energije u svijetu raste dok troškovi tehnologije korištenja obnovljivih izvora solarne energije padaju."*

**ODGOVOR:**

Ministarstvo prostornog uređenja, građenja i zaštite okoliša, u saradnji sa UNDP-ijem osiguralo je izradu "Studije izvodljivosti o proširenju i poboljšanju sistema daljinskog grijanja u Kantonu Sarajevo". Studija je finansirana od strane Ministarstva zaštite okoliša, kopna i mora Republike Italije. Istovremeno je rađena i Studija o obnovljivim izvorima energije s fokusom na biomasu, geotermalnu energiju i solarnu energiju u Bosni i Hercegovini, koji su dijelom tretirani i za područje Kantona Sarajevo.

Međutim, za efikasnije korištenje obnovljivih izvora energije potrebno je sačiniti konkretnu studiju koja treba da procijeni mogućnost primjene tehnologija za proizvodnju energije iz obnovljivih izvora u privatnim i javnim zgradama za Kanton Sarajevo. Izrada ove studije je predviđena kao jedna od mjera Zelenog akcijskog plana za Kanton Sarajevo koji je pripremljen u fazi Nacrta i predstavlja nadopunu Kantonalnog plana zaštite okoliša (KEAP).

Što se tiče pravnog okvira, kroz izmjene i dopune Odluke o zaštiti i poboljšanju kvaliteta zraka u Kantonu Sarajevo, a na bazi ranije pomenute Studije izvodljivosti o proširenju i poboljšanju sistema daljinskog grijanja, utvrđuje se obaveza prioritetne upotrebe energenata u svrhu grijanja.



Inače, izmjene i dopune Odluke biće uskoro dostavljene Skupštini Kantona na usvajanje, a istom je predviđeno da su prioritetni izvori zagrijavanja novih objekata toplotna energija iz sistema daljinskog grijanja, kao i energija dobijena od sagorijevanja prirodnog plina. Jedini izuzetak u odnosu na ove izvore toplotne energije predviđa se grijanje dobijeno, između ostalih, i putem solarne energije.

S poštovanjem,



  
**Damir Filipović, MA prava**

Dostaviti:

- ① Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

